



Broj/Број: 01/8-50-1-15-15/05  
Sarajevo/Сарајево: 9.2.2006.godine

## Z A P I S N I K

15. sjednice Komisije za ostvarivanje ravnopravnosti spolova u BiH (u daljnjem tekstu: Komisija), održane 7.2.2006. godine, s početkom u 10,00 sati.

Sjednici Komisije prisustvovali su:

- Jozo Križanović, predsjedavajući Komisije,
- Ljiljana Milićević, prvi zamjenik predsjedavajućeg Komisije,
- Nadžida Mlačo, drugi zamjenik predsjedavajućeg Komisije,
- Mubera Ušanović, član Komisije,
- dr. Jelina Đurković, član Komisije,
- Mirsad Sipović, član Komisije,

Odsustvovali su: prof. dr. Azra Hadžiahmetović, prof. dr. Nijaz Duraković i Vlatka Komšić, članovi Komisije.

Za sjednicu je usvojen slijedeći:

### Dnevni red:

1. Usvajanje zapisnika 14. sjednice Komisije,
2. Razmatranje Informacije o otvaranju Javnog saslušanja posvećenog teškoj bolesti HIV/AIDS-u,
3. Informiranje o realizaciji Prvog pripremnog sastanka za Regionalnu radionicu ne temu «Usklađivanje obaveza između posla i obitelji»,
4. Dogovor o sastanku «Jednakost spolova: Unapređenje rješavanja problema putem Parlamenta» koji se održava u New Yorku 1.3.2006. godine,
5. Izvještaj o radu Komisije za 2005. godine i Orijentacioni radni plan za 2006. godinu,
6. Dogovor o održavanju Drugog pripremnog sastanka za Regionalnu radionicu ne temu «Cjeloživotno učenje» i o predavljanju Parlamentarne skupštine BiH na Drugom regionalnom sastanku,
7. Tekuća pitanja

### Ad. – 1. Usvajanje zapisnika 14. sjednice Komisije

Nakon pozdravnih riječi i otvaranja sjednice Komisije, predsjedavajući Komisije Jozo Križanović je predložio raspravu i izjašnjenje o zapisniku Komisije 14. sjednice.

Kako nije bilo diskusije o ovoj tački dnevnog reda, predsjedavajući Komisije predložio je usvajanje zapisnika, pa je Komisija jednoglasno usvojila zapisnik 14. sjednice Komisije.

**Ad – 2. Razmatranje Informacije o otvaranju Javnog saslušanja posvećenog teškoj bolesti HIV/AIDS-u**

Otvarajući ovu tačku dnevnog reda, **predsjedavajući Komisije** je podsjetio prisutne da su na inicijativu UNFPA (United Nations Population Fund) Office in Bosnia and Herzegovina, Komisija i Parlamentarne grupa za populaciju i razvoj Parlamentarne skupštine Bosne i Hercegovine organizirali javno saslušanje (javnu raspravu) o teškoj bolesti HIV/AIDS-u, koje je održano 20.5.2005. godine u Sarajevu. Dalje je kazao je da su ciljevi, priprema i tok javnog saslušanja, kao i zaključci s tog skupa sadržani u Informaciji o otvaranju Javnog saslušanja posvećenog teškoj bolesti HIV/AIDS (u daljem tekstu: Informacija) od 4.7.2005. godine, a zatim otvorio diskusiju o ovoj tački dnevnog reda.

**Ljiljana Milićević, prvi zamjenik predsjedavajućeg Komisije** predložila je da se u Orijentacionom radnom planu za 2006. godinu predvide aktualna pitanja ove tematike, te da se uzme aktivno učešće u njima i njihovoj realizaciji.

**Nakon kraće rasprave i glasanja, predsjedavajući Komisije je zaključio ovu tačku dnevnog reda konstatujući da je Informacija o otvaranju Javnog saslušanja posvećenog teškoj bolesti HIV/AIDS-u, od 4.7.2005. godine jednoglasno usvojena od strane prisutnih članova Komisije.**

**Ad - 3. Informiranje o realizaciji Prvog pripremnog sastanka za Regionalnu radionicu ne temu «Usklađivanje obaveza između posla i obitelji»**

U uvodnom izlaganju za ovu tačku dnevnog reda, **predsjedavajući Komisije Jozo Križanović** je istakao da je Komisija na inicijativu SP GTF – (Stability Pact Gender Task Force) Regional Center for Gender Equality iz Zagreba, organizirala Prvi nacionalni pripremni sastanak, na temu: “Usklađivanje obaveza između posla i obitelji”, dana 6.10.2005. godine u Sarajevu, za koji su se dobile pohvale. Cilj tog sastanka je bio priprema parlamentarki Parlamentarne skupštine Bosne i Hercegovine za sudjelovanje na Prvoj regionalnoj konferenciji (radionici) u okviru projekta “SEE Women MP Exchange 2005-2006”, koja se održala od 28-30 oktobra 2005. godine u Zagrebu, Hrvatska. Na tom skupu Parlamentarnu skupštinu Bosne i Hercegovine predstavljala je Ruža Stojanović, delegat Doma naroda Parlamentarne skupštine BiH. Predsjedavajući Komisije je istakao da nije zadovoljan načinom izbora našeg predstavnika na Prvu regionalnu konferenciju, jer Kolegij nije konsultirao menadžera Projekta.

**Mirsad Sipović, član Komisije** je predložio da se očuva dignitet Komisije, da se Izvještaj sa Prve regionalne konferencije (radionice) predstavnice Parlamentarne skupštine BiH prihvati, te da se Kolegiju uputi zamjerka o nekonsultovanju Komisije prilikom izbora predstavnika na Prvoj regionalnoj konferenciji.

**Ljiljana Milićević, prvi zamjenik predsjedavajućeg Komisije** kazala je da se slična situacija dogodila i sa odlaskom predstavnika Bosne i Hercegovine na seminar o budžetu koji se održao u Beču.

**Na kraju diskusije, predsjedavajući Komisije je zaključio da se Kolegijumu treba uputiti primjedba o neprimjerenom radu, te da se za ubuduće ova Komisija konsultira o svim pitanjima kada je u pitanju ravnopravnost spolova, čime je okončana ova tačka dnevnog reda.**

**Ad. – 4. Dogovor o sastanku «Jednakost spolova: Unapređenje rješavanja problema putem Parlamenta» koji se održava u New Yorku 1.3.2006. godine**

**Predsjedavajući Komisije** je informirao prisutne da će se dana 1.3.2006. godine, u New Yorku, održati sastanak «Jednakost spolova: Unapređenje rješavanja problema putem Parlamenta», čiji su domaćini Interplanetarna unija i Odsjek Ujedinjenih naroda za pitanja unapređenja položaja žena, a povod njegovog održavanja je 50. sjednica Komisije pri Ujedinjenim narodima za unapređenje

položaja žena (CSW). Kazao je da će se ovaj sastanak posebno bazirati na ulozi parlamenta kao institucije, te na ulozi članova parlamenta i njihovom doprinosu u postizanju jednakosti među spolovima. Također, kazao je da je osnovni cilj Sastanka slanje jasne poruke o obnovljenoj i povećanoj ulozi žena u zakonodavnim procedurama.

Zatim je predsjedavajući Komisije predložio da ispred Komisije na tom sastanku učestvuje Ljiljana Milićević, a informirao je prisutne da će na tom sastanku ispred Doma naroda Parlamentarne skupštine BiH uzeti učešće Osman Brka. Izrazio je vjerovatnoću da će u našoj delegaciji, pored dva navedena člana biti i sekretar Interplanetarne unije kod nas.

**Ljiljana Milićević, prvi zamjenik predsjedavajućeg Komisije** je kazala na na tom parlamentarnom sastanku želi prijaviti diskusiju i kazati nešto afirmativno.

**Zatim je Jozo Križanović, predsjedavajući Komisije konstatovao da je Ljiljana Milićević potvrđena od strane članova Komisije za učešće na pomenutom sastanku, te ju je ujedno i zadužio za daljnju aktivnost na tom planu, čime je završena ova tačka dnevnog reda.**

#### **Ad. – 5. Izvještaj o radu Komisije za 2005. godine i Orijentacioni radni plan za 2006. godinu**

Otvarajući ovu tačku dnevnog reda **predsjedavajući Komisije** je konstatovao da su svi članovi dobili radnu verziju Izvještaja o radu Komisije za ostvarivanje ravnopravnosti spolova za 2005. godinu (u daljnjem tekstu: Izvještaj Komisije), od 23.1.2006. godine, te otvorio raspravu na Izvještaj Komisije.

**Mirsad Sipović, član Komisije** je skrenuo pažnju na nedolaženje članova Komisije na sjednice, te istakao u cilju očuvanja digniteta Komisije da se u Izvještaj Komisije unese zaključak kojim će se Predstavnički dom i Kolegij Predstavničkog doma informirati o ovm problemu.

**Ljiljana Milićević, prvi zamjenik predsjedavajućeg Komisije** je kazala da i druge Komisije imaju problema u postojanju kvoruma neophodnog za rad Komisija, te da to nije slučaj samo sa ovom Komisijom.

**Predsjedavajući Komisije** kazao je da je ranija praksa bila da se obavijeste samo Klubovi o nedolasku njihovih članova na sjednice Komisija, ali je istakao da se slaže da ovakav zaključak ide prema Kolegiju, kao i da Klubovi budu obaviješteni o ovome.

**Zatim je Izvještaj Komisije zajedno sa zaključkom stavio na usvajanje te konstatovao da je jednoglasno usvojen od strane svih prisutnih članova Komisije.**

Nakon obavljenog glasanja i usvajanja Izvještaja Komisije **predsjedavajući Jozo Križanović** je stavio na raspravu Orijentacioni radni plan Komisije za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine za 2006. godinu (u daljnjem tekstu: Orijentacioni radni plan za 2006. godinu), za koji je istakao da je jako ambiciozan.

**U diskusiji koja je uslijedila istaknuto je da se još bolje trebaju članovi Komisije pripremiti za Orijentacioni radni plan, pa su predložili da se ubrzo zakaže nova sjednica Komisije, što je jednoglasno prihvaćeno.**

#### **Ad. – 6. Dogovor o održavanju Drugog pripremnog sastanka za Regionalnu radionicu ne temu «Cjeloživotno učenje» i o predstavljanju Parlamentarne skupštine BiH na Drugom regionalnom sastanku**

U uvodu za ovu tačku dnevnog reda predsjedavajući Komisije Jozo Križanović je podsjetio da je Komisija u saradnji sa SP GTF Regionalnim uredom u Zagrebu organizirala i Drugi pripremni sastanak na temu “Cjeloživotno učenje”, koji će biti održan u toku dana. Ovaj sastanak je priprema za održavanje Druge regionalne radionice za parlamentarke, koja će biti organizirana u Sarajevu od 24.-25.2.2006. Informirao je da radionicu organizira GTF Regionalni ured iz Zagreba, s koji je ova Komisija u kontaktu.

Takođe su u okviru ove tačke izabrani predstavnici koji će učestvovati na Drugoj regionalnoj radionici za parlamentarke i to:

1. Vlatka Komšić,
2. Jelina Đurković,
3. Nadžida Mlaćo i
4. Mubera Ušanović za slučaj da neko bude spriječen da prisustvuje sastanku.

**Izborom predstavnika za Drugu regionalnu radionicu za parlamentarke, predsjedavajući Komisije je zaključio ovu tačku dnevnog reda.**

**Ad. – 7. Tekuća pitanja**

U ovoj tački dnevnog reda nije bilo nikakvih prijedloga ni konstatacija.

Nakon zaključenja 7. tačke dnevnog reda, te zahvalnosti prisutnim na njihovom učešću od strane predsjedavajućeg Komisije, Komisija je završila svoju 15. sjednicu.

Sjednica je završena u 11,10 sati.

SEKRETAR KOMISIJE

dr. Zijad Hasić

PREDSJEDAVAJUĆI KOMISIJE

Jozo Križanović s.r.